

**Vischnaunca da Mustér**

**Regulativ davart il  
"Premi Desertina"**

**2009**

---

Art.	1	Intent e finamira
	2	Undraziuns
	3	Premiai
	4	Propostas
	5	Surdada
	6	Valeta
	7	Vigur

## Art. 1 Intent e finamira

<sup>1</sup>La vischnaunca da Mustér renconuscha prestaziuns extraordinarias sil sector dalla cultura e dil sport en general cun in premi da renconuschientscha e da promoziun.

<sup>2</sup>Il scopo ei da promover igl engaschi da vischinas e vischins sil sector dalla cultura e dil sport.

<sup>3</sup>La surdada dil premi succeda per regla mintg'onn.

## Art. 2 Undraziuns

<sup>1</sup>Per regla vegnan mintgamai surdai in premi da renconuschientscha ed in premi da promoziun.

<sup>2</sup>Il premis vegnan surdai en daners ni en ina outra moda, ensemen cun ina distincziun ufficiala ed ina laudatio.

## Art. 3 Premiai

<sup>1</sup>Premiai vegnan persunas privatas sco era instituziuns ed organisaziuns.

Il surdai ston esser domiciliai en vischnaunca ni haver ina relaziun speciala cun la vischnaunca.

<sup>2</sup>Undrai vegnan engaschis sil sector dalla cultura en general sco la tgira e promoziun dil lungatg, la litteratura, las usonzas e la tradiziun, igl artisanadi, la pictura, musica, cant, teater e film, mo era prestaziuns d'instituziuns culturalas sco la biblioteca, la ludoteca, museums ni exposiziuns specialas. Plinavon vegnan era prestaziuns extraordinarias el sport ed el temps liber en general premiadas.

## Art. 4 Propostas

<sup>1</sup>Ina cumissiun prepara propostas per las undraziuns per mauns dalla suprastanza communal. Ella secumpona da treis entochen tschun persunas e vegn eligida dalla suprastanza communal. A lezza cumpeta la nominaziun definitiva.

<sup>2</sup>Entas ina communicaziun el feagl official vegnan vischinas e vischins, sco era uniuns ed instituziuns envidai da far propostas per nominaziuns. Aschilunsch che neginas prestaziuns ein dignas da vegnir honoradas, vegn desistiu d'ina undraziun.

<sup>3</sup>La cumissiun ei obligada d'annunziar alla suprastanza communal las persunas proponidas per l'undraziun.

## Art. 5 Surdada

La surdada dils premis succeda en ina rama festiva entas in representant dalla suprastanza communal, respectivamein dil president communal. Il president dalla cumissiun arranscha la surdada e procura per ina laudatio.

**Art. 6 Valeta**

Il premi da reconuschientscha munta a 3'000 e quel da promoziun a 2'000 francs.

**Art. 7 Vigur**

Quei regulativ va en vigur igl 1. da schaner 2009.

Approbaus dil cussegl da vischnaunca ils 27 da fevrer 2009.

Per la vischnaunca da Disentis/Mustér

Il president communal:  
Dr. Dumeni Columberg

Il canzlist communal:  
Andri Hendry